


Qhaaropa Kelso



Level 4/8

First Edition

This booklet is a product of SIL MLE project, which is a joint project between: SNNPR Education Bureau and SIL Ethiopia. .

P. O. Box 313, Ayer Tena, Addis Ababa

Title: Kelsopaqhaaro

English title: The systme of apes

Language: Pako Qalatte

Type of book: Supplimentary Reading Material

Year of Publication: 2021 (2014 E.C)

Writer: Tagesu Tegenu

Editor: Aysama Adusho

Illustrations: SIL Ethiopia/ Senayit Worku

Copyrighted by: SIL Ethiopia

Number of Copies: 100

Financed by: Wycliffe Norway

Copyright © 2021, SIL Ethiopia under creative commons BY-NC-SA

license 4.0. You may not use this work for commercial purposes.

You may adapt and add to this work, but you may distribute the resulting work only under same or similar license to this one.

You must copyright and credits for authors, illustrators, etc.

Kasqinkadhdhe

1. Kelsopa qhaaro ahi qaake?

2. Qhaaropa yaxa ille peelumi?

3. Qhaaro yaxaamakki haththe dhili?

4. Xeere kaasay peelunkito kittatte

heyiqthadhe hxure mukoraa okaasi?

Wycliffe



Qhaaropa Kelso

Pako Qalatte
Ethiopia

Holuppa napayu “Olokku
kooxamnaye i kooxami payni
ahayyinakuppa piqadhanku. Thannu
haththe dhiluppa i kooxamanna
kelso ihayyipa sha’oy. Qhaarossikka
manne kelsitoosi tayadhu.




Kedhdhay qarakko poosi ponklana
kittatte aaghe kelsopa qhaaro ana
payikki qaaka. Usundhissa
lakkintonnu ille peelumipa issi xikko
male xeesa xikkadhattay. Kuyyanko
tookko qhaaro kelsoosi tatako.

Qhaaro haqipa xeesnoonu
shoxxomoppa tarqqokka tooxadho
karo kelsito kula achchoy. Tahxuppa
kelsito “Ata kulay an ille
peelumnaanippa hune kula
okayaani” payu. Koonishko
kelsitokka “Ata laadhdhi moona
maghama xeesayye” kinna payi.




Kelsakkokka “Ee ” kippayi.
Qhaarakko “Achchidhapa kafko
haahundhi mullukko hayankumma
anhune oohnaani” kinna payi.
Kelsakkokka achchipa hayu. Okayne
kaarkko saappeemakki isundhe
hahadhdhasi. I hadhdhe tupettay
andhe xiltitottakkinna ehxhxe shiini.

Kuyyanko tookko Kelsakko
qhaarakito “Ata tapeelli moo hasa
hune siri?” Qhaarakkokka “Ata kati
manhune liqni?” payu. Kelsakkokka
“Ata yaxa hasa hune qareesiuyi?”
Qhaarakkokka “ Hune Ine kula
kodhdhe wo’ankuy?”



Thannu i illa xule tupettay
hashshawhe illena mamayye. Lammi
kyyankussanu paayyini qhaaropa
kelso uuma ille c’ikadhe. Xeere
paraghaara okaayinakka illa
hi’aasettay ille k’aark’aranki. Kapa
qhaaro xikkito nakkayyayyemma
manne ye gharsadhe.

Na qharra kelso manne gharsadha maallay xeesanki. Xeere paarakara okaayinakka pinnenu gharanki. Qhaaro kapay i payi “Achchinipa peelle haanihenina manne kasqannipa oohanni” Thannu rafisampakko huusundhi isikaro rafisampakko kelsito erakonki.



Rafisaampakkossikka achchoppa kelsonu assaappossi nu odhdhasu. Naqharray rafisampakko kellsito assappussa ye akkadhu. Kapay qhaaro qhamu manne kelsito malaala akkinisa hayyunko gharsadhipa issi tiqadha.